

SIARAN AKHBAR

TH LANCAR PLATFORM LAMAN PERKHIDMATAN DIGITAL “THiJARI”

TH turut tawar hadiah bernilai RM300,000 menerusi
Kempen #Simpandaftardanmenang

KUALA LUMPUR, 5 Februari 2020 – Lembaga Tabung Haji (**TH**) melancarkan platform laman perkhidmatan digital terbaru untuk para pendeposit – “THiJari” yang mula beroperasi pada hari ini.

Laman web THiJARI ini merupakan platform dalam talian bagi perkhidmatan kepada para pendeposit untuk menyemak akaun, mencetak penyata akaun, pindahan wang, perkhidmatan Haji dan urusan Kelab TaHa secara dalam talian. **TH** percaya dengan kemudahan ini, urusan para pendeposit akan lebih pantas dan mudah.

Pengarah Urusan Kumpulan dan Ketua Pegawai Eksekutif **TH**, YBhg. Datuk Nik Mohd Hasyudeen bin Yusoff menyarankan para pendeposit perlu memastikan mereka telah mengemaskini maklumat ahli (termasuk maklumat nombor telefon bimbit) terlebih dahulu di kaunter **TH** atau boleh terus melayari <https://www.thijari.com.my> sekiranya telah pun mengemaskini maklumat yang diperlukan.

Pada majlis itu juga, **TH** memperkenalkan Kempen #simpandaftardanmenang yang bertujuan untuk menarik minat orang ramai terutamanya para pendeposit untuk menyimpan dan juga menambah simpanan mereka selain mendaftar haji.

Terdapat hadiah berupa pakej umrah dan wang tunai berjumlah RM300,000 untuk dimenangi di mana pendeposit **TH** yang berumur 18 tahun ke atas layak untuk menyertai kempen ini – dengan syarat; membuka akaun simpanan **TH** dan menambah simpanan sebanyak RM5,000 serta mengekalkannya simpanan dalam tempoh kempen. Selain itu pendeposit **TH** juga perlulah mendaftar haji untuk melayakkkan mereka menyertai cabutan bagi kempen ini.

Tiga cabutan akan dilakukan oleh **TH** bagi Kempen ini; yang bermula dari Februari – April, di mana cabutan akan dilakukan pada bulan Mei; seterusnya bagi Kempen yang bermula Mei – Julai 2020, cabutan akan dibuat pada bulan Ogos 2020; dan bagi Kempen yang bermula Ogos – Disember 2020, cabutan akan dibuat pada Januari 2021.

“Buat julung-julung kalinya **TH** dapat mengadakan kempen seumpama ini selepas pertukaran konsep Tabungan **TH** kepada Wakalah daripada Wadi’ah Yad Dhamanah yang memberi nilai tambah dan manfaat yang lebih kepada pendeposit di samping mengekalkan kelebihan sedia ada seperti simpanan dijamin oleh kerajaan, agihan keuntungan tahunan, zakat pendeposit dibayar, patuh syariah dan lain-lain,” jelas YBhg. Datuk Nik Mohd Hasyudeen bin Yusoff.

Untuk maklumat lanjut mengenai Kempen #simpandaftardanmenang serta laman web THiJARI ini, pendeposit boleh mengunjungi mana-mana cawangan **TH** yang berhampiran atau menghubungi Tabung Haji Contact Centre (THCC) di talian 03-6207 1919.

-Tamat-

LEMBAGA TABUNG HAJI

Lembaga Tabung Haji (**TH**) merupakan sebuah badan berkanun yang ditubuhkan oleh Kerajaan Malaysia pada tahun 1963 dan ditadbir berdasarkan Akta Tabung Haji 1995 (Akta 535). **TH** menyediakan kemudahan bagi umat Islam di negara ini menyimpan wang untuk mengerjakan haji. **TH** mempunyai lebih 50 tahun pengalaman dalam perkhidmatan simpanan, haji dan pelaburan. Sebagai sebuah institusi haji terunggul negara, **TH** berusaha untuk mengukuhkan ekonomi umat Islam Malaysia dengan memanfaatkan dana dan sumber sedia ada. **TH** komited memberi perkhidmatan cemerlang dan memuaskan kepada semua Jemaah Haji Malaysia. Pencapaian **TH** yang konsisten telah mendapat pengiktirafan dunia sebagai model pengurusan haji inovatif. **TH** mempunyai lebih 9 juta pendeposit dan 125 cawangan dengan lebih 10,000 'touch-points' di seluruh negara. **TH** juga mempunyai sebuah pejabat yang beroperasi di Jeddah, Arab Saudi di bawah Konsulat Malaysia.

Untuk maklumat lebih lanjut mengenai perkhidmatan Tabung Haji, sila lawati www.tabunghaji.gov.my atau hubungi Tabung Haji Contact Centre di talian 03-6207 1919. Keterangan lanjut mengenai siaran akhbar ini, sila hubungi:

Affan Aimaduddin Azami	Hamzil Mohamadan
<p>Esekutif Bahagian Hal Ehwal Awam dan Komunikasi Korporat Kumpulan Lantai 16, Bangunan TH, 201 Jalan Tun Razak, Kuala Lumpur. Tel: 03 2054 2238 Tel. Bimbit: 019 984 7138 Faks: 03 2164 0436 Emel: affan.aimaduddin@lth.gov.my</p>	<p>Pengurus Kanan Bahagian Hal Ehwal Awam dan Komunikasi Korporat Kumpulan Lantai 16, Bangunan TH, 201 Jalan Tun Razak, Kuala Lumpur. Tel: 03 2054 2582 Tel. Bimbit: 012 3102101 Faks: 03 2164 0436 Emel: hamzil@lth.gov.my</p>